

重刊道藏輯要

元始無量度人上品妙經卷之五十一

消除疾疫保命延年品

道言昔於青元天中飛景真音大玉洲土受元始度人消除疾疫保命延年無量上品元始天尊當說是經周迴十過以召十方始當詣座天真大神上聖高尊妙行真人無鞅數衆乘空而來素雲飛霞瓊軒鳳蓋紫霄流靄碧落騰光靈芒晬晬洞煥太无五日五夜諸天宮室臺館靈闕七色交耀璇璣停輪三辰合照萬象咸寂地發嘉祥天現玉文法音遠響洞徹諸天三界肅清四海澄靜一國地土山川林木緬平一等無復高下土皆作

道藏輯要

度人妙經

一

九集四
人可人

碧玉無有異色衆真侍座元始天尊懸坐空浮九龍寶局之上說經一遍諸天大聖同時稱善是時一國男女仰聽法音玄悟仙真之道說經二遍正性虛明說經三遍靈氣降身說經四遍蕩除業累萬疾皆愈說經五遍六腑五臟灌鍊生華說經六遍飛精變形金光易骨說經七遍神妙備體常保完全說經八遍化周三界恩及十方疫癘普消人民康樂說經九遍幽魂昇天冥官息對說經十遍萬物遂性逍遙太平是時一國是男是女莫不傾心皆受護度咸得長生

道言是時元始天尊說經一遍東方無極無量品皇老大神無鞅之衆浮空而至說經二遍南方無極無量品太丹大神無鞅

之衆浮空而至說經三遍西方無極無量品月華大神無鞅之衆浮空而至說經四遍北方無極無量品靈光大神無鞅之衆浮空而至說經五遍東北無極無量品帝暉大神無鞅之衆浮空而至說經六遍東南無極無量品雲綱大神無鞅之衆浮空而至說經七遍西南無極無量品伏魔大神無鞅之衆浮空而至說經八遍西北無極無量品高清大神無鞅之衆浮空而至說經九遍上方無極無量品冲虛大神無鞅之衆浮空而至說經十遍下方無極無量品洞元大神無鞅之衆浮空而至十遍周竟十方無極消除疾疫保命延年至真大神一時同至一國男女傾心歸仰始者心有法病身遭邪疫三界之內一切羣生

道藏輯要

度人妙經

二

九集四
八文二

無量天民或有身雖得道未脫冥數爲陰陽五行六氣之所陶冶者各各思維因緣所證得道果位法身真形應報種體三十六變出沒幽顯又有世間衆生曾爲不善凌犯五方金木水火土官之考身累疾疫或愚氓暗陋不順天道不知生理五行剋伏凌勃騰負鬱怫萬變水疫則寒火疫則熱金疫則清燥土疫則喘汗木疫則憊慄疾疫流行鬼癘爲害如是等衆十二類生成皆雲集市遶座下旣聞元始十過宣說靈寶飛天玄妙大範三界十方悉皆濟度飛仙列聖來者有如細雨密霧於是元始神光八出普映十方遠覽萬天再告大衆曰道非情言象先無偶近比人心倏來忽往變化莫測混雜難量謂之心者非真常

也衆生昏愚積業重厚假心以知智緣智以體神神凝而體道若不知真人修用之理則心識鄙濁近連鬼道合以邪癘之氣則爲疾爲疫害其本年不全天壽能固氣於虛合神於無心爲神宇神宇靜則精正精正則形完萬邪莫干疾疫不入身旣無疾保命延年輔以道念栖泊自然玉符金篆服御雲霞長生得道列爲真人是時十方天人聞是語已感歎稱慶天光顯瑞神寶揚輝混元玄珠并包九有虛皇說經都竟衆真監度以授於我當此之時喜慶難言法事粗悉諸天復位倏歛之間寂無遺響是時天人遇值經法普得濟度全其本年無有中傷傾土歸仰咸行善心不妄不貪不僞不著不執不非不爲不見不護不

道藏輯要

度人妙經

三

亢集四
×三×

戒言無華綺口無惡聲齊同慈愛易骨成親國安民豐欣樂太平經始出教一國以道預有至心宗奉禮敬皆得度世

道言元始天尊說經中所言並是諸天上帝內名隱韻之音亦是魔王內諱百靈之隱名也非世之常辭上聖已成真人通玄究微慈念羣衆陰營萬生使三氣明正五常順德消除疾疫保命延年若疫毒一身疫遍世上正心護氣積善累功則南極監簿韓司錄名禳解禍尤宥過紀績能悉其章誦之十過諸天遙唱萬帝設禮河海靜默山嶽藏雲日月吐華列耀回精溫邪滅熾疾疫清平虎符金簡紀錄功名鬼魔百毒斷種戮形天令順道正氣流行三官執奏翼衛神兵捕魂大理考校檢程賞善除

祇益靈駐真至學之士誦之十過則五帝侍衛三界稽首魔精
喪眼鬼祇滅爽濟度疾疫絕而得生所以爾者學士穢氣未消
體未洞真以制十方威未制天政德可伏御地祇束縛魔靈但
却死而已不能更生輕誦此章癘鬼傳殃供養尊禮門戶興隆
世世昌熾與善因緣萬災不干神官侍巾典省天機獨步玉京
度人無量爲萬道之宗巍巍大範德難可勝

道言凡誦是經十過諸天齊到億曾萬祖幽魂苦爽皆卽受度
天機上生韓司易名格皆九年受化更生得爲貴人而好學至
經功滿德就皆得神仙飛昇金闕遊宴玉京也上學之士修誦
是經疾疫無干神閑氣真濁府散開邪試無門丹火內鍊骨變

道藏輯要

度人妙經

四

亢集四
×十一

延齡皆卽受度飛昇南宮世人受誦則延壽長年後皆得作尸
解之道魂神暫滅不經地獄卽得返形遊行太空此經微妙普
度無窮一切天人莫不受慶無量之福生死蒙惠上天所寶不
傳下世至士齋金寶效心盟天而傳輕泄漏慢殃及九祖長役
鬼官侍經五帝玉童玉女各二十四人營衛神文保護受經者
身

道言正月長齋誦詠是經消除青疫九夷老氣尅害人身爲上
世亡魂斷地逮役度上南極太微天機省中超化昇職七月長
齋誦詠是經消除白疫六戎老氣尅害人身身得神仙諸天書
名神霄玉府西華堂中金書青簡削死上生十月長齋誦詠是

經消除黑疫五狄老氣尅害人身爲國王帝主安鎮國祚保天
長存世世不絕常爲人君安鎮其方民稱太平八節之日誦詠
是經安寧八景奮靈八威辟卻八邪永無百疫三田生珠諸節
通理血變瓊醴精鍊玉華得爲九宮真人本命之日誦詠是經
異氣不生疾疫無侵年命固永鬼怪潛靈魂神澄正萬氣長存
不經苦惱身有光明三界侍衛五帝司迎秉政天樞雲騎珠纓
萬神朝禮參位太玄功滿德就飛昇上清

道言行道之日皆當香湯沐浴齋戒入室東向叩齒三十二

通上聞三十二天心拜三十二過閉目靜思身坐赤青黃三

色雲氣之中內外翳冥有青龍白虎朱雀玄武獅子白鶴羅

道藏輯要

度人妙經

五

亢集四
川上

列左右六甲六丁伏魔大將備衛前後日月照明洞煥室內

頂生圓象光映十方如此分明密咒曰

無上玄元太上道君召出臣身中三五功曹左右官使者侍香

玉童傳言玉女五帝直符直日香官各三十二人關啓所言今

日吉慶長齋清堂修行至經無量度人願所啟上徹經御

無上三十二天元始上帝至尊几前畢

引炁三十二過東向誦經

元始無量度人上品妙經

元始洞玄靈寶本章消除疾疫保命延年無量度人百魔隱韻
離合自然太始無形召氣成眞氣出無緣泮虛凝玄玄爲氣母
徊燿飛煙玉液鍊光金精八騫玉京嵯峨碧落凝旋三景轉赤
九暈澄淵自成玉文無極至眞三五九一是爲天根元始祖劫
靈寶生神溫厚滋養堅澤剛輪開明三氣化生諸天玄黃混淪
金火相乘變化陰陽正邪乃分正爲物宗守之長生邪爲疾疫
禍害遷騰惟知道眞可以全身五臟眞氣結爲靈文無文不光
無文不明無文不立無文不成無文不度無文不生上應圓羅
天中之天鬱萃玄臺太皇玉京高極無上玄虛紫宸眇眇劫仞
道藏輯要

度人妙經

六

亢集四
XIII

若亡若存三華離便泰清黃庭金闕玉堂景素神池流布洞氣
消滅萬殃清正瓊輪周迴十方中有度人不死之神中有南極
長生帝君中有消除疾疫大神中有太微天機省主好生韓君
丈人中有南上司命司錄文昌益算度厄保命延年上眞迴骸
起死無量度人今日校錄諸天臨軒
東方無極皇老神王長生大聖無量度人
南方無極太丹神王長生大聖無量度人
西方無極月華神王長生大聖無量度人
北方無極靈光神王長生大聖無量度人
東北無極帝暉神王長生大聖無量度人

東南無極雲綱神王長生大聖無量度人
西南無極伏魔神王長生大聖無量度人
西北無極高清神王長生大聖無量度人
上方無極冲虛神王長生大聖無量度人
下方無極洞元神王長生大聖無量度人

十方至真飛天神王長生度世無量大神並乘三景飛龍十華
翠輦九鳳雲車流光玉輿驂駕神虎辟非蒼甲之麟建召真之
節耀空靈旛前列六陽大將後從八吏神兵九天飛真遊空步
虛五老啟途羣仙翼轅億乘萬騎浮空而來傾光迴駕監真度
生玉宸保相南極至靈上生監察金闕元君執籙把籍齊到帝

道藏輯要

度人妙經

七

亢集四
X218

前隨所應度嚴校諸天內保至真建植功緣仁恕忠孝不犯三
官六洞無名過度冥關宿疾普消疫災不干邪鬼破腦四目當
前眾聖降接保命延年普告三界無極神鄉泉臺洞府北闕冥
關六天雲營火刃鐵山列奏神霄玉簡敷宣釋除疾疫穢禍凶
愆上解祖考億劫種親疾除黑簿落滅惡根不得沉淪拘制鬼
羣虛皇詔命時刻昇遷北都寒庭檢會神魂大魔保度升化朱
宮死魂受鍊隨運長存生身受度劫劫無傾隨劫輪轉與天齊
年永度三途五苦八難超凌三界逍遙上清上清之天天帝玉
真無色之境梵行

東方八天

玉歌耀宗天

帝平羅景都

帝歷鳳昌天

帝眞章紫洛

皇离正化天

帝瑤府宛鈞

齊命登華天

帝尹詵持明

江宵邁期天

帝覺逸景虛

球度蘭瑤天

帝杳寂司干

永生久臨天

帝越梵治行

樞落左玄天

帝承安止宮

南方八天

願極宗召天

帝獄司校靈

道藏輯要

度人妙經

八

亢集四

并道指頤天

帝屢遠茲睢

太微機輔天

帝迴明庸康

召眞訊智天

帝除膚究當

普信注玄天

帝問亨補宜

龍光照生天

帝祈堂紀逢

冲妙延常天

帝轉英集輪

月諸慶號天

帝赤津良

西方八天

龔化嬰如天

帝並京攄光

奧洞演于天

帝樂宣無垠

照幽洗翳天

帝磧疆延

祕命極混天

帝總監眞

影爲窈空天

帝初嗣百還

玄度意冥天

帝報朝何嵩

茲芽雲藏天

帝降籍司陽

胄重忻盧天

帝伯巫期將

北方八天

監明正化天

帝安途定方

太華上光天

帝祕師九祥

日員攝圍天

帝肇無辨

道藏輯要

度人妙經

九

九集四

黃絡霞嶼天

帝支誦霜

朱涵溢令天

帝彭民踐區

印格制魔天

帝元眞瀛

攝京回布天

帝斛亢禮淵

神倉放遂天

帝幽強宇元

三十二天三十二帝諸天隱諱諸天隱名天中空洞自然靈章
諸天隱文天中之樞天中之機天中之轄天中之輓天中大魔
天中之靈玉天金闕中有至神布氣度人福及萬生九和十合
變化上清無量之奧深不可詳敷落神眞普度天人辟除毒禍
禳解北辰犯忤大殺南極元尊消除疾疫保命延年今日欣慶

受度歷闕諸天請滅三惡斬絕地根飛度五尸名列太玄魔王
監舉無拘天門東斗消疾西斗除愆北斗保命南斗延年中斗
大魁主領元官八十一神總監眾仙青帝蕩疫白帝施教赤帝
宣威黑帝開導黃帝中主萬神從詔青天魔王身佩帝書赤天
魔王飛行太虛白天魔王萬惡潛誅黑天魔王統攝真符黃天
魔王布令玄都五帝大魔王神之宗執天大範總領鬼兵麾旛
仗節遊觀太冥神化無方與天同生上天度人嚴攝寒庭元王
受命普掃祚祥疾疫莫作正氣流行生民自牧却滅禍殃命如
山河福等昊蒼天師寶符玄靈大章龍文虎檄追召魁剛屠割
鬼爽風火無停千千截首萬萬剪形魔無干犯鬼無祚精三官

道藏輯要

度人妙經

十

元集四
又文二

九都考察鬼營不得怠縱金馬驛呈化周無窮符告萬靈土宮
玄宰飛奏帝宸無極高妙耀華洞清氣生芳澄天地備成神運
變化風火交騰精鍊九劫水躍龍門雲凝玉堅天闕九關瓊觀
寶樓萬神守垣九絕明耀朱符召仙日揚九光月吹十霞五斗
回車太英蘊蘭帝妃泝香玉真踞軒五老授職三官迅駟保民
無疆吉慶如山真元吐氣金馬當前泛霄隱庭奏鐘舞津正道
流行疾疫莫登命曆益算壽年億千五方天使虎巾龍官咸領
制券歸造真玄丹輝啟明運周自然元皇大布靈寶玉篇赤書
五符八威正文保安大劫使氣飛行大梵包羅萬品施張元綱
布演無極諸天輪轉無色周遍十方騰駕扶搖旋歷經常消除

疾疫五方之神天溫六傷却以洞文災怪消殄毒害絕源天機
奏名玄軌交纏二十五氣歸功上元八羅冥會合混玄玄中
太真天帝高皇泛景太霄吟引宸風金昌明秀消蕩祇凶豁落
奮擊流響雲宮仙音攝氣靈光返生太微御正上昇玉京邪癘
殞殄仙真列言三氣護生六府散烟千和萬合自然成真真中
有神長生大君正御南極掃滅祇氛收除怪害五疫消平太乙
把籙召命生根上遊上清出入黃庭明堂之內絳闕之中保正
玄丹三真道宮中理五府境域明通十轉回靈萬氣齊升升仙
鍊養無極度人上開八門飛天寶輪罪福禁戒宿命因緣普受
道藏輯要

度人妙經

七

亢集四
川文

開度死魂生身身得受生上聞諸天諸天之上各有生門中有
空洞謠歌之章魔王靈篇辭參高真
第一欲界消除疾疫飛空之音

祇羣千正

肆毒分身

遊散八方

疾疫生民

水寒火熱

穢氣紛紛

進尸滅真

惑亂世人

韓司校錄

南極火鈴

炎烟赫衝

善惡速分

文昌帝省

九萬官君

符命下傳

風火無停

疾疫普消

壽樂康甯

生道既正

名奏天機

降集真氣

救災却非

玉津灌鍊

與身同飛

第二色界魔王保命延年之章

冠義碧葉

龍文虎書

帶劍朱綬

杳靄雲衢

丹文玉璽

威鎮太虛

太上黃籙

五老天符

仙官注筆

布令元都

壽年無窮

大化安舒

疾疫不入

心有玄儲

虛皇垂教

萬惡皆驅

南昌火府

朱陵上宮

洞陽火官

嚴駕九龍

寶珠顯妙

眞文下敷

丹化凡骨

昇入帝居

道藏輯要

度人妙經

三

亢集四
リメ

笑爾阿人

詠此靈音

舉形變仙

上升天堂

第三無色界魔王升神造玄歌曰

剛風爲石

壘此重山

風澤堅凝

深藏帝關

日月運行

流轉諸天

化君主令

有形悉殞

爾氣清空

爾形秀冲

邪疫無侵

湛然神宮

大經龍蟠

合交景雲

血化玉液

精鍊瓊輪

魔王虎冠

繡幟朱戟

錄子正心

授子仙官

雲層戕戕

黃霞碧波

授過冥曹

高仙玉仙

攜手登翠都

笑歌入無何

此三界之上飛空之中魔王歌音音參洞章誦之百遍名度南
宮誦之千遍魔王敬形敕制地祇侍衛送迎拔出地戶五苦八
公有聞靈音魔王敬形敕制地祇侍衛送迎拔出地戶五苦八
難七祖昇遷永離鬼官魂度朱陵受鍊更生是謂無量普度無
窮有祕上天文諸天共所崇泄慢墮地獄禍及七祖翁

道言此二章並是諸天上帝及至靈魔王隱祕之音皆是大梵
消除疾疫保命延年之言非世上常辭言無韻麗曲無華宛故
謂玄奧難可尋詳上天所寶祕於玄都紫微上宮依玄科四萬

道藏輯要

度人妙經

三

元集四

劫一傳若有至人齋金寶質心依舊格告盟十天然後而付焉
道言夫天運否終地道隔塞日月二星虧盈凌犯氣行勃亂度
數差忒大則爲至聖神人之休否小則爲末學生民之疾傷時
疫流染方域生災同氣皆當齊心修齋六時行香十遍轉經福
德立降消諸不祥無量之文普度無窮

道言夫末學道淺或仙品未充運應滅度身經太陰或疾疫爲
害保命無傾臨過之時同學至人爲其行香誦經十過以度屍
形如法魂神徑上南宮隨其學功計日而得更生轉輪不惑便
得神仙疾疫清甯人安道泰永保天齡

道言夫天地運終星宿錯度日月失昏四時失度陰陽不調則

災氣自生疾疫爲咎使國界水旱兵革未平疫毒流行兆民死傷師友契盟有致延染皆當修齋行香誦經夫齋戒誦經功德甚重上消天災保鎮帝王下禳毒害以度兆民生死受賴其福難勝故曰無量普度天人

道言凡有是經能爲天地帝主兆民行是功德有災之日發心修齋燒香誦經十過皆諸天記名萬神侍衛右別至人尅得爲聖君金闕之臣諸天記人功過毫分無失天中魔王亦保舉爾身得道者乃當洞明至言也

諸天中大梵隱語無量音 道君撰

元始靈書中篇

道藏輯要

度人妙經

西

元集四

東方八天

天相樞明

機省元同

中黃四司

玉籙上公

靈虛太玄

錫命眞封

雲文祕紀

校績南韓

文妃錄品

簡昇紫垣

章號瓊韞

朱曜洪頒

護字達龍

府開命神

碧圓通照

萬道冥神

南方八天

感帝交仙

羽縹素烟

梵混自澄

洞魔駐筵

驛騰信馥

官師允騫

憫符昭濟

功念幽泉

利庇黎冲

進除果嚴

激思求邈

深贖浩田

無落由動

壁刻元綿

救澤苦涸

常應匪邊

西方八天

空含意模

仙令伎宣

謹悟豈緘

孔雄假乾

遐函默祝

兵冑潛蓄

敕章鑠究

成島俠連

變宥忽網

測粹武賢

諱愚祈昏

奏迷縛還

中帝赤懸

威劒蒼蜎

識爽杳辨

道藏輯要

度人妙經

圭

元集四

斯質華聯

北方八天

玉宸宰儀

洪蕩胡時

忽透象察

役曹橫旂

統按宥生

火迅車馳

驛典責文

嶽圍魂疑

蒙乖亢正

敷式奚重

教檢斗剛

太一九個

矢慘丙注

符策按圍

目夔公馬

戮罰拉摧

鬼溟長澤

東

谷雲敞施

南

赤圖震皇

西

馘醜榮垂

北

以上四句計一十六字消除疾疫朱書服之吉

道言此諸天中大梵隱語無量之音後一十六字治病去疫斷瘟密敕其法祕重有知其音能齋而誦之者諸天皆遣飛天神王下觀其身書其功勤上奏諸天萬神朝禮地祇侍門大勳魔王保舉洞真道備尅得遊行三界昇入金門此音無所不辟無所不禳無所不度無所不成天真自然之音也故誦之致飛天下觀上帝遙唱萬神朝禮三界侍軒羣祇束首鬼精自亡琳琅振響十方肅清河海靜默山嶽吞烟萬靈振伏招集羣仙天無氛穢地無祲塵冥慧洞清大量玄玄也